

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 15. An & qualiter taciturnitas sit signum sufficiens interioris
consensus, ac ita vi illius contrahantur valida sponsalia.

[urn:nbn:de:hbz:466:1-73973](#)

suspensum in diem crastinum, ac si diceretur; ego nunc consentio, ut eras sim vir tuus. Unde vides, quanta ex similibus verbis dubiis & obscuris (quorum plures formulas vide apud Tambur. l.c.) in diversis sensibus à DD. acceptis nascatur seges litium.

Ques. 15. An & qualiter taciturnitas sit signum sufficiens interioris consensūs, ac ita vi illius contrahantur validā sponsalia.

1. Resp. Primò: Taciturnitas præcisè non est signum sufficiens interni consensūs; non enim puella censenda est re promittere seu consentire in re promissionem matrimonii ex eo, quod dum quis illi matrimonium promittit, ista taceat. Castr. l.c.p. 4. n. 11. nam esto, quod quis tacendo consentire censeatur in iis, quae sunt ei utilia; secus tamen est in iis, quae præjudicabilia esse possunt. Menoch. de presump. l. 3. presump. 42. n. 4. Dinus in reg. is qui taceat. de reg. in 6. num. 3. Bald. in l. si fine. num. 4. c. ad Senat. Consult. Vellejan. cum Gl. in l. filius famili. v. non probatur. ff. de procur. apud Castr. l. c.

2. Resp. Secundò: Dum pater in præsentia filii sui nomine ejus contrahit sponsalia cum puella, filius tacens & non contradicens hoc ipso censetur consentire, pro ut expresse deciditur. c. unico §. fin. de desp. impab. in 6. Perindeque est, an pater an mater sit, quæ hac ratione nomine filii aut filiae contrahit sponsalia, cùm in hac dispositione non patria potestas, sed naturalis amor parentum in proles, & illarum in parentes debitus honor & reverentia spectetur. Sanch. l. 1. de sponsal. d. 23. n. 9. Gutt. de matrim. c. 11. n. 5. Castr. l. c. n. 12. qui etiam id colligi ait ex cit. cap. dum ibi loquitur textus in plurali numero de parentibus. Perinde item est, sive filius existat sub patria potestate, sive jam sit emancipatus; cùm citatus textus distinctionis hujus nullatenus meminerit, ejusque, ut dictum, decisio fundetur non in patria potestate, sed amore naturali, Sanch. l. c. d. 28. n. 10. Gutt. n. 8. Castr. l. c. Perinde denique est, an sit filius legitimus, an naturalis, aut etiam spurius; cùm cit. textus utatur absolútè voce naturali filiorum, sub qua comprehenduntur & spurii; ut Bart. in l. 2. ff. de accusat. num. 4. tametsi alias Jure civili Spurii appellari non debeant filii. Auth. ex complexu. c. de incest. nupt. Castr. Gutt. ll. cit. Sanch. d. 23. n. 11.

3. Resp. Tertiò: An verò, dum parentes pro filiis absentibus vel ignorantibus nomine eorum contrahunt sponsalia, si filii de eodem contractu certiores facti non contradicunt, pari modo consentire censeantur, ac si dicta sponsalia in eorum præsentia facta fuissent, in hoc, inquam, non conveniunt AA. Negant id ipsum Sanch. d. 23. num. 17. Gutt. l. c. c. 13. n. 11. hoc nixi fundamento, quod textus cit. c. unico. de desp. impab. in hoc puncto loquatur diversimode de filiis dicto contractui præsentibus, ac de filiis absentibus, dum ad hoc, ut filii presentes censeantur consentire, nihil requirit amplius quam taciturnitatem; ad hoc verò, ut filii absentes obligentur illo contractu, requirit, ut certiores de eo, facti eundem ratum habeant tacitè vel expresse; adeoque ultra taciturnitatem requirere videtur, ut ratificatio illa fiat signo aliquo alio positivo. Stetque etiam pro hoc sententia hæc congruentia; quod, si filius præsens contractui dissentiret, presumatur reclamaturus, secus ac in absentia, vel quia obliviscitur, vel quia existimat se postmodum posse reclamare; cùm consensum non

præstiterit. E contra affirmat Castr. l. c. n. 4. citans D. Thom. in 4. dist. 27. q. 2. a. 2. ad 1. Palud. ibid. q. 1. a. 1. Henrig. l. 11. c. 13. n. 5. alios vide apud Sanch. d. 28. q. 3. n. 16. fundamentum hujus sententia dicit Castr. quod citatus textus attente inspectus eadem tacitè ratificatione pro utroque contractu contentetur; postquam enim censuit cu. textu, filium, si præsens est, factum à parentibus ratificare, si expresse consenserit vel tacitè, subdit: Et idem est, si filii tempore sponsalium absentes & ignorantis, eadem sponsalia post scientes ratificaverunt tacitè vel expresse; expresse quidem consentiendo positivè; tacitè, tacendo & non contradicendo, dum possunt. Illud tamen hic observandum, quod ut dicta taciturnitas & non contradicatio consensum exprimere censeatur, filius debeat à parentibus, per si vel per nuncium aut epistolam de contractu ab ipsi ejus nomine facto moneri, & satis non sit, quod casu vel ab aliquo tertio contractum intelligat; eo quod isti tertio non teneatur respondere; dum autem monetur à parentibus, reverentia eis debita postulet, ut respondeat reclamando, si contractus displiceat, vel tacendo, si placet. Ita Castr. l. c. n. 1. f. cum Cón. d. 21. du. 3. n. 39. quod verò ex eodem addit Castr. nimurum infuper no-tificationem illam debere fieri filio coram parte, & aliis non sint sponsalia, quoque pars conscientia acceptet & re promittat, si quidem inter ipsas, & non inter parentes celebrentur sponsalia. Hoc, inquam, non placet; cur enim non consurgerent & essent sponsalia, dum, postquam filio absenti per literas à parentibus significatum, se nomine ipsius promisit. fe Bertæ matrimonium, & illam re promisit, filius tacendo consentiat, isque ipse tacitus consensus notificatus Bertæ.

4. Rep. Quartò: Idem quod de parentibus contrahentibus nomine filiorum hac in parte dictum de taciturnitate filiorum sufficienter significativa interni consensūs, aliqui, ut Sotus in 4. dist. 27. q. 1. a. 3. Henrig. l. 11. c. 2. n. 6. & alii relati à Sanch. d. 28. n. 2. extendunt ad quemcunque alium tertium; eo quod contractus matrimonii sit favorabilis, & in favoribilibus tacens consentire videatur. Alii admittunt de fratre contrahente nomine sororis; ut Sanch. q. 2. n. 7. arg. c. 1. de matr. contrab. contra edict. Eccl. ubi videntur valida sponsalia judicari, quæ frater pro foro præsente & conscientie tacitè contraxerat. Alii, ut Cón. d. 21. du. 3. admittunt de tute, curatore, aliisque quorum cura filii commissi; eo quod ad hos æquè ac ad parentes pertineat consulere bono pupillorum & minorum, & ad hos revereri illos, quam reverentiam non exhiberent, si, ubi contractus displicet, non contradicerent; unde non contradicentes, dum possunt, consentire censemur. Verum de his omnibus id negat, & de solis parentibus id admittit Castr. l. c. n. 17. citans Covar. 4. decretal. p. 2. c. 4. n. 4. Gutt. de matr. c. 13. a. n. 2. Eccl. eo quod taciturnitas filiorum, cum pater in eorum præsentia contrahit, ex natura rei seu jure natura non inferat sponsalia; cùm ex natura rei non sit approbatio facti à patre non habente ad hoc speciale mandatum; sed solum ex jure positivo, in cit. cap. sic disponente, ut dicta taciturnitas sit sufficiens signum consensū filii approbativum contractus à parente nomine illius celebrati. Unde cum jus positivum ita disponit de solo contractu per parentes celebrato, dicendum non est, id quoque locum habere, dum alii non parentes, neque habentes ad hoc speciale mandatum contrahant nomine Titii; præsertim cùm ratio sic statuendi specialis esse potuerit amor nimius & specialis erga proles, vi cuius

cujus eorum bono maxime consulunt, & specialis majorque reverentia filiorum erga parentes, à quibus, quod vivant, acceperunt. Quæ ratio in fratre erga sororem, multoque minus in curatore & tutori locum non habet.

Quæst. 16. An & qualiter subarratio annuli sit signum interni consensus sponsalitii seu sponsalium.

Resp. Tam etiæ ex se immisso annuli in digitum alterius ejusdemque acceptatio (quam subarrationem vocant) ex se non sit tale signum, ut patet, dum ex alia causa. V. G. in signum amoris honesti vel dishonesti fieri possit absque illa sponsalium intentione, spectata tamen consuetudine, ubi porrectio & acceptatio annulisponsalia significant, ea exinde contracta in foro externo censemuntur. Idem est, dum id ex circumstantiis accedentibus colligitur, V. G. si, dum de sponsalibus agitur aut actum est à Tito vel interiusque partis amicos utraque parte conscientia, porrigitur vel mittatur annulus isque acceptetur; ita cum communī. Abb. in c. fin. de spons. impub. num. 7. & 8. Mafcard. de prob. concl. 1024. an. 2. Menoch. de presump. l. 3. presump. 2. num. 1. & 4. Sanch. l. 1. de mat. d. 22. num. 1. & 3. Castrop. loc. cit. num. 10. Idem erit, seu censemuntur contracta sponsalia, si annulus mittatur puellæ hunc in finem à patre ex consensu & nomine filii. Quod dictum de subarratione, item dicendum de submissione & acceptatione aliorum munericum seu, ut vocant, jocalium; nimurum quod per se non sint signum promissionis sponsalitiae, sed tunc demum, quando præcedunt vel comitantur aliqua verba, actiones aut circumstantiae, quæ ex aliis vel consuetudine loci hanc promissionem denotant. Covar. de spons. p. 1. c. 4. Menoch. Mafcard. II. cit. fusè de his agentes.

Quæst. 17. An inter facta, per quæ promisso futuri matrimonii recte inferuntur, aut etiam sponsalia constituantur, sit matrimonium inter impuberem, aut inter puberem & impuberem nulliter celebratum.

Resp. Matrimonium tale infert & inducit sponsalia, sive habet vim sponsalium. Sanch. l. 1. d. 21. num. 2. Pont. l. 12. c. 5. n. 4. Castrop. cit. p. 4. num. 3. cum communissima contra Engels. ad tit. de spons. impub. n. 10. & quosdam alios, juxta quod expressè decidunt c. fin. de spons. impub. & c. unico eod. in b. nam licet tales contrahentes, etiam seclusa omni alia lege, expressè solū velint alteri tradere suum corpus ad usum matrimonii, virtualiter tamen intendant, si ex aliquo capite ea traditio effectum non habeat, tradere saltem jus ad traditionem; cùm hæc juris traditio in matrimonii contractu imbibatur. Unde merito præsumit Ecclesia, sic contrahentes velle sponsalia contrahere, casu, quo matrimonium contrahere non possint. Quam voluntatem contrahendi sponsalia, alijs verè & in rigore inclusam in illa voluntate contrahendi matrimonium, & inde ortam dictam præsumptionem ut elidant, & à sponsalibus deobligentur, tam in foro conscientia, quam externo, debent habere voluntatem expressam, eamque declarare, se tantum velle matrimonium, & non sponsalia. Neque opposas iuxta doctrinam communem Bar-

R. P. Leur. Jur. Can. Lib. IV.

tol. in l. 1. si quis ita ff. de V. S. n. 5. dum de obligatione contrahenda agitur, si actus non valeat eo modo, quo fit, nullatenus quoque eo modo, quo fieri potest, valeat; cùm actus agentium ultra eorum intentionem operari non debeant; l. non omnis. ff. si certum petatur, & in obligationibus si semper facienda stricta interpretatio. Ad eoque jam, si contractus impuberum, quo matrimonium contrahere volebant, non valet in ratione matrimonii, non valebit quoque in ratione sponsalium, quæ contrahere poterant. Nam vera est hæc doctrina de obligatione, quæ contrahi poterat, si nullo modo contineatur in obligatione attentata tantum, seu nulliter contracta; non verò vera est, si hæc in illa contineatur, quemadmodum sub ista obligatione matrimonii attentata comprehenditur obligatio sponsalium; Castrop. num. 5. ubi quoque alia ratione doctrinam illam Bartoli distingui posse ait, nimurum, ut, dum actu sub eo modo, quo gestus, non valuit ex defectu formæ, non valeat etiam sub eo modo, quo geri potuit. Secus, si non valuit sub eo modo ex defectu non formæ, sed tantum causæ, quemadmodum contractus matrimonialis inter impuberem non fuit invalidus ratione formæ, sed ratione causæ, seu ratione contrahentium, non habentium legitimam ætatem ad contrahendum matrimonium.

2. Resp. De cætero procedit responso, tametsi matrimonium illud inter impuberem ab iis contractum clandestinè. Eò quod Trid. sess. 24. c. 1. de reformat. irritando seu vim omnem auferendo à matrimonii clandestinè celebratis, quæ de cætero olim erant vera & valida matrimonia, nullatenus à matrimonii clam celebratis inter impuberem, quæ nunquam rationem veri matrimonii habuerunt, sustulerit vim sponsalium; sed illum contractum reliquit natura sua, vi cuius, ut dictum, includit intentionem saltem sponsalium. Sanch. l. 1. d. 21. n. 5. Castrop. l. c. n. 4. Nav. c. 22. n. 57.

Quæst. 18. An matrimonium clandestinè, & hinc invalidè contractum interpuberes contineat rationem sponsalium.

1. Resp. Primò: Quantum ad rigorem juris attinet, pari modo ob paritatem rationis loquendum de tali matrimonio clandestino puberum ac de matrimonio contracto inter impuberem tanquam probabilius censem Castrop. num. 8. citatis pro hoc Henriq. l. 11. de mat. c. 5. n. 4. Cöneck. d. 24. du. 4. n. 47. Laym. l. 5. tr. 10. c. 1. in fine. & pluribus aliis; eò quod, ut dictum q. præced. consentiens in matrimonium præsens, eo ipso consentit in matrimonium futurum, dum matrimonium præsens contrahi nequit, & Trident. irritando consentum illum clandestinum præstitum in matrimonium præsens in ratione matrimonii, non irritavit eundem, quatenus ex natura rei se ipso est consensus in matrimonium futurum, seu quatenus constituit sponsalia; cùm hæc etiæ clandestinè contracta valent.

2. Secundò: Spectando tamen praxin & consuetudinem receptam veriorem esse sententiam oppositam, ait Castrop. l. c. & si absolute doceatur communiter à Sanch. l. 1. de spons. d. 20. n. 3. & 4. Gutt. de mat. c. II. & de juram. confirm. c. 51. & n. 28. Ceavall. comm. contra comm. q. 604. n. 79. Trid. enim inhibendo annullandoque omnino talēm contractum clandestinum matrimonii etiam ab eo separat rationem sponsalium. Quod

ipsum